



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二四八

留硯堂詩選六卷 張漢撰

一

留硯堂集三卷 張漢撰

一八一

棗花書屋詩集一卷 朱之璣撰

二三五

詩禮堂古文五卷詩禮堂雜咏三卷 王又樸撰

二四一

善餘堂文集一卷 江永撰

四〇九

少司寇公安餘齋遺詩不分卷 來保撰

四三三

斫桂山房詩存六卷抱珠軒詩存六卷一瓢齋詩存六卷 薛雪撰

四六九

雲南叢書集部之二十二

留硯堂詩鈔

共六卷

雲南圖書
館藏板

甲寅
年刊

留硯堂詩選

海南詩學明楊文襄公張愈光先生尤著文襄提舉陝西學場推省試士曰今歲無李子則張子第一矣已而嶠峴先生果發解其精鑑者此則其詩之工有以也愈光發解陸文裕公爲記月塢曰吾子求道於六籍修詞於兩都誠古矣抑今置館閣設論思所以華國而經世者非俗學之所用也愈光瞿然而說不以不第故貶技故滇南詩人終明之世克與秦豫齊吳旗鼓相當未有高於愈光者也吾師石屏張公少而士經義尤精詣於詩泊入祕禁列侍從長篇簡什春容肆應凡得二千餘

留硯堂詩選序

首北上詔試詞臣以民事僉謂成周故壤非公不可乃詮注知分陝郡其才猷懋著且將度越文襄而詩律之工抑豈愈光之所幾及哉獻歲始和援留硯堂詩集於大文曰盍一言請即以硯喻之音崔鵬銘古硯曰知其白守其黑似老學不厭教不倦似孔唐庚序古硯銘曰硯之需以世計又曰以靜爲用夫公詩律之尤工也則用志不分厭倦胥泯而專篤守靜之效也滇南山水衍秀其發而爲人物多蘊古風而公尤靜以粹是故用以精鑑則上嗣文襄用以求道修詞則華國經世胥大遠於俗學而其詞克宗渾噩之章者其政亦克底淳悶之

化詩小序曰諸侯之風先生之所以教故繫之召公劉
夢得送東都留守詩曰春風處處有甘棠然則留硯之
賦夫固上源於國風而採諸輶軒被諸樂府其才與時
道與法胥非文襄公愈光先生之所得幾及抑非滇南
之所得私也今者雙旌徐引清伊廣洛鏗鏘鼓舞洋洋
盈耳所謂一國之風繫一人之本者吾知公迫然而賦
且自此彌遠矣雍正甲辰春宜興受業儲大文書於金
提坐

留硯堂詩選序

二

序

聞君子之富貴於不貴計於無算保於益完而獨以長
久之夫之田中家之儲君子不必有也竊然握天下之
利膏實魁美盛且愈濫焉則吐爲文辭聚以至多固常
比於居千石而積積積古所云然其非越以誇也古治
文章有矣於詩乎九歌然少數篇或數十篇多僅數篇
以至乎千篇所出愈多所見愈少必愈見少而獨以其
詩富朱公白圭之都夫誰不偉焉夫物盛者力多事博
者精茂彼挾其弱無以收天下之有苟餘於中然始莫
不舉人以少而已愈多也滇池張太史先生殖詩自豐
留硯堂詩選序

守翰林垂十年出知河南郡罷歸復用鴻詞徵得初所
居官官以貧而詩乃倍饒或卷七十餘篇每卷以百計
更數歲雖萬首可焉自近世之篤於詩而能以其積爲
鉅大者未有也方在郡值上官檢殘特幸恣毒仇視儒
賢吏尤憎人爲詩羣吏靡憚先生獨以其民和樂且日
吟咏署中與相往因竟遭劾其於人何如宜取諸己以
極其意志而不窮之若此無難焉古號地以富者交州
番禺於今尤在滇草木鑿石川泉沙土之所含皆可寶
而取也起乎其間一放乎詩而遂以其充然者當其州
之所有有榮名乎哉山陰胡天游序

留硯堂詩選序

始余從塾師受書師即以月槎先生爲最先生固石屏通儒以博雅爲屏人冠屏之人仰其流風雖片辭隻義亦樂道之甚且有通俗之文俾誦之事非先生而託之先生者而余則僅僅於袁氏詩文畧師氏漢繁省府州志中獲覩先生作二心竊歎焉歲辛卯許五塘師示以先生詩殘本猶以爲未足癸丑甲寅之間北平楊君怕忱復以後十年吟可老吟倦還吟諸卷相示仍殘本也家廣文兄之言曰先生集板今弃於先生舊篋余再三訪之不獲及丙辰而始得七十三卷足本讀之計詩

留硯堂詩選序

七千餘首名曰留硯堂集留硯者先生官翰林至寔春衣悉典惟留一硯以吟詩而已夫以先生穎異之才高尚之品備計吏徵鴻博轉御史臺兩入詞林行萬里破萬卷悉醞釀而出之爲詩雖不無嘆老嗟貧之言而氣骨嶙峋不以境移雖不無酬應世俗之作而絕不以干卿相譽權豪可謂非輔轍休明之奇傑矣哉乃出守河南長官劾之屬僚蔽之罷職歸田又遭匪亂再出再歸設館于昆陽主講于建水猶以無端蜚語羈之省城讀權輿紀行諸詩先生之遇天耶人耶顧天能啻先生之遇而不能厄先生之詩人能汙先生於一時而不能損

先生之毫末於百世世人或爲先生悲而究足何悲也先生詩集鈔於介弟羅刊於姪孫孝詩孝詩名進士令粵東有聲校者姪孫軒傳存詩繁附注瑣觀者病之余忝爲先生後學悉心斟擇存十之二先生面目煥然改觀大抵吐言天拔巧思綺合時出入於大歷長慶之間其在吾滇固上抗禹山下揖南園而無愧者要其自有真我則適成爲先生之詩也名之曰詩選竊比校訂之義敢曰操選政乎哉丁巳二月同邑後學袁嘉穀

留硯堂詩選序

滇池僻在黔蜀西與之外去京師萬里惟正之供歲不
過四十萬而土脈墳衍山川綺錯實爲西南之奧區神
鼎其英靈秀傑之氣厚積而勃發點蒼之石麗江之金
犀之角象之齒飛松之實杜鵑五色之花產乎其地而
能爲良而文人才士往往震興其間視鄰省特盛吐詞
爾雅出言有章其風氣然也臨安爲滇之名郡絃誦之
聲比戶不絕而石屏其尤也館丈石屏張月槎先生少
知名於滇旣而成進士選入翰林赫然有聲暇日手所
作詩一編問敘於余余得縱觀因嘆曰西南之奧區神

留視堂詩選

敘

皋英靈秀傑之氣厚積而勃發者其在斯乎昔書之言
曰詩言志杜少陵則云陶冶性情在底物新詩改罷自
長吟苟志之不立性靈之不存詩於乎何有顧古來之
工詩者又不惟其志與性靈而已必聞見足以相充拓
學問足以相發皇而後矢之於口書之於筆浩乎其不
可禦也金石之精者必磨之鍊之而後呈其奇齒角之
珍者必雕之琢之而後適於用花木之殊異者必封殖
之灌溉之而後春華秋實隨所取而各臻其極詩之爲
道亦猶是而已月槎以過人之才嗜此道而不厭研精
覃思浸淫於古人堂二長鄉國而已耶予曩以試事

承乏入滇滇之士大夫不鄙遺予而以爲可教也故因
敘月槎之詩而原其土地之勝物產之美人之才之盛以
益予樂道人善之意并以示滇之學者使知所淬勵云
康熙丙申二月朔日雲間同學弟周餘震

留視堂詩選

敘

本傳

張漢字月槎石屏人少嗜學丹黃鉤纂博洽四庫爲文風發泉湧千言立就以康熙癸巳進士授檢討出爲河南知府與當路抵牾解組歸乾隆間以博學鴻詞薦丁巳補試列二等時年已六十餘復授檢討遷山東道御史條陳河南荒歉狀有直聲分校禮閣江南儲大文胡宗緒皆出其門著有詩古文詞六十九卷家貧未刻年八十卒

雲南通志 臨安府志

張漢字月槎號我思晚號蟄存州西張本寨人爲前太僕張萊君嫡曾孫自幼力行讀書備極攻苦人品端醇

留硯堂詩選

本傳

學問淵粹居家孝友無間言由康熙戊子科舉人癸巳恩科進士改庶常授檢討除河南河南府太守清康熙平恕與當事抵牾因解組歸乾隆丙辰以博學鴻詞召試策論詩賦精詳典核復授檢討遷山東道御史條陳河南荒歉狀有直聲尋以疾辭歸家徒四壁益嗜古不倦學士大夫藉典刑焉乙亥以事望吏議鞫非其罪然卒不出一語辨白其又

漢察

者歟所著詩古文詞凡六十九卷貧無資未得盡刊行於世已卯正月十六年八十卒於家配楊氏年亦八十先一月卒石屏州志

留硯堂詩選目錄

卷一 七十九首

原刪後草三卷馬上吟二卷康熙丙子至癸巳之作共五百六十六首

卷二 四百二十六首

原十年吟十四卷康熙癸巳至甲辰之作共一千四百零四首

卷三 三百七十九首

原焚柴吟六卷釋負吟一卷維駒吟三卷續馬上吟一卷樓居吟三卷雍正甲辰至甲寅之作共一

留硯堂詩選目錄

千四百三十八首

卷四 三百零四首

原漫游草八卷捉鼻吟一卷七復吟二卷雍正甲寅至乾隆丁巳之作共一千一百四十五首

卷五 三百一十九首

原後十年吟十一卷乾隆丁巳至丙寅之作共一千一百一十六首

卷六 二百四十四首

原俗選三卷耄智餘草二卷可老吟三卷三五還園吟一卷雲社詩一卷歸餘詩草四卷乾隆

丙寅至戊寅之作共一千三百六十九首

附集古詩八首

原百首

留視堂詩選 目錄

留視堂詩選卷一

雲南叢書集部之二十三

石屏張 黃履泰

西城月中何天成索賦

迢迢古城陰爽氣溢林樾中有素心人清影抱明月
清以寒翠霞靜此夕牛斗逼人低風露侵人冽鄰春
漸復連村火明還滅對此淨心魂虛中自生白游雲無
所歸仰視寥天碧

西山三皇宮

西山西復西曠懷思所寄山榛與幽苔美人亦云逝冥
心游太虛太虛從所憩黃農雖已沒彷彿三皇世西風
留視堂詩選卷一

吹簫籟西山餘爽氣挈壺自行歌酣歌落雲際

九日畫西湖圖

九月九日黃花老登高嶺出層雲表卧游直游西湖圖
萬頃煙波橫一掃松耶柏耶颯颯鳴嗷嗷人滿座盡秋聲
寫得西湖真面目山禽沙鳥盡如生胷中邱壑常如此
紙上煙雲聊復爾扁舟小憩元真子噫嘻吁元真子笠
雨蓑煙蓑此始

追韓家行人我白先生和塗啟夏韻行人諱廷璧

石屏人

勝朝一遺老野鶴雞羣中傲骨橫今古談鋒勢異同生

涯頭上雪先生事耳邊風不盡乘槎水飄然度碧空曾

何事成孤外海滄桑入望中河山悲日異身世笑雷同已
畏驚沉水邊鷺鶴唳風顛從千日醉一流萬緣空

村居

我愛村居好蕭然野興偏牛羊芳草地雞犬白雲天修
竹青山裏小橋流水邊不知塵世外忽有地行仙

醉

竟作尊中隱不知死後名雅航文酒會偶訂聖賢評
仗青天瀾杯酒碧海清封侯何足願暢飲得吾生

留硯堂詩選 卷一

侍家世父偕諸弟小飲喜客泉戲書桐葉客至泉

在石屏

西郭驚泉沸清涼淨客心石城煙樹迴禪室水雲深得
句書桐葉呼樽嘯竹林流風懷二阮相對滌塵襟

村居偶成

流鶯何太巧百轉叢林邊對月修花史衝雲放酒船中
庭無俗吏下界有頑仙頗耐孤吟癖匡牀坐欲穿

秋夜

蟋蟀侵牀入孤吟不可聽繞梁餘片月在戶有三星砧
杵敲愁破燈花落夢青寸心灰未冷驛路想曾經

山行雜咏

拔地蒼峯起敲鞭快遠游河山明指掌開塞控咽喉馬
向壁問度煙從樹裏浮蒼茫村舍迴信宿爲誰酬

古洞

山深一洞煙時有雲來去飄隱者何人巢居於此處

旅月

漸覺蟲聲怒殘燈旅夜身月光知別苦留影慰羈人

春日

絲樹依依微濛碧空披襟兀坐轉春風紛紛吹落桃花雨
淫卻山窗一半紅

留硯堂詩選 卷一

秋夜

筆陣非秋無與敵詩城有月始能攻連宵盡得霜天讀
引入樵林一派中

鎖煙溪感舊昆明

菱荷秋晚度寒煙人坐中流一鏡天花草吳宮今已矣
沙鷗咽水自年年

浮石庵感舊

睥睨雲山一世雄青山依舊白雲封荒村鬱鬱風煙起
猶恐屯兵夜起烽

曾經海市結層樓占斷風光不肯休假令主人猶可倚

忍看煙草綠林秋

村夜

臥聽霜天曉角哀
臨窗月影獨徘徊
擁衾無賴秋同寂
時有寒雲入夢來

普淨寺

寺最多什在寶秀鳳凰山之麓前有
圓山營陸龍二舊相繼屯三舊城也

琳琅竹影入秋清
寺隱寒煙接舊城
碧澗蛛絲飛雨碎
青攢鳳尾亂峯橫
容顏自喜開塵甲
犄角何勞起戰兵
不見當年屯壁者
圓山營畔草菁菁

秋興答退庵先生

盟府何年策酒功
澆書每泛酒缸中
笑將待事封齊郡

留硯堂詩選

卷一

四

欲補離騷作楚風
讀史霜前浮一盞
敲詩月下寫三紅
世人皆醉伯倫醒
大塊茫茫托醉翁

何天成耕樂園看梅

梅花亭下水潺湲
載酒尋春意獨閒
凝碧方塘橫一鑑
護香小院結重關
佳懷有句仍東閣
大隱無文移北山
流水落花春不老
引人雞犬白雲間

新燕

喚起春愁夢亦驚
啾啾燕語作新聲
故人未老曾相識
公子初逢便有情
卜壘泥沉飛絮亂
捲簾風颭落花輕
雲軒莫道無消息
乍喜歸來屐不傾

春初試筆

蕭蕭松影落窗虛
翹首晨暉轉幕廬
半榻青山雲斂後
一簾春水雨晴初
繁花醉我勤呼酒
好鳥依人靜讀書
坐擁辛盤無別物
呼童烹茗擷園蔬

月下

小院沉沉帶竹局
胡牀夢冷睡初醒
携來夜月琴三弄
醉倒庭花酒一瓶
露氣平分仙掌白
山光隱時佛頭青
連宵雅興清如水
車馬紅塵總不經

郊居

杖底青山懶不登
朋雲疎處翠層層
花陰睡足三春夢

留硯堂詩選

卷一

五

竹影清含六月冰
午後雞聲喧社鼓
晚來螢火亂漁燈
披襟野外天何闊
詞人世譚然有髮僧

慰勞

問閨人夢怯塵侵
倦羽幽棲返碧林
去國一身寒雁影
遶山十里蠅蛄吟
相思萼菜西風約
不負兼葭白露心
未免有情須自遣
草堂睡足晚煙深

外王父松岳孫公鏡訪別墅距城東南三里許背

山面湖題咏甚多家貧吟詩尤雅因和其韵

芳草晴川鸚鵡洲
楚天遙擬得神游
畫中染翰留山色
樹裏呼琴聽水流
茅屋煙深棲鶴地
蓬窗雲冷載鴻舟

機心削盡多存拙滄海茫茫起白鷗

壽族祖丕孺八十二歲五代同時

載酒花前孫復孫卜居人住老人村高曾矩矱留三古

伯仲燧荒策一門書忍堂中存舊牒舞斑庭下識春溫

熊飛夢裏碣溪水翹首車輪聖王恩

異龍湖小泛

醉取東坡藥玉船重來載酒白雲天春當萬紫千紅處

人在三山二水前最與落花飄暮雨蒼蒼遺樹亂炊煙

公車已買家園約渴想湖光又一年

鄉夢

留硯堂詩選

卷一

六

一枕旋家便連宵客夢長竟忘身是旅轉借睡爲鄉修

竹廬還在青松徑不荒依稀翠閣縮地得仙方

鎮遠江中

頃刻揮鞭苦揚帆度白雲過灘黔地斷隔渡楚峯分浪

青山影風生碧水紋坐看鷗鳥靜來往自爲羣

沅州舟中卽事

路失黔中險乘流跌坐頻寒威憑酒敵山色借詩鄰挹

水烹霜芥敲冰煮雪鱗維舟雲樹裏一渡已經旬

寄家

一別高堂思不禁南天遙指白雲岑臨風爲問加餐否

願我游人萬里心

家九母年八十四

正喜窗前課草新不堪芸冷案生塵叮嚀莫負當時約

昨夜青燈照古人

己丑元日

屠蘇滿載勞征鞭又飲春風驛路前異海波懸三島外

長安日近五雲邊縱橫騎擁探花客下上光澄積雪天

何處蓬村還借問恐慚老大負行年

選伯玉墓在衡陽

孔子擊磬亭

篇碑

涉世何勞別淺深過門未許卽知音聲聲寂寂人千古

尚想尼山一片心

留硯堂詩選

卷一

七

花市篇

歲歲南都春色早花到仲春花欲了今年攜酒醉長安

春到花朝花不曉

朝采偶赴看花約花信依人無宿諾須與城市作山林

萬紫千紅爭繡錯

京香國裏恣遨遊又與春衫上酒樓擁花已作探花使

中酒兼謀拜酒侯

處處香車連寶馬雙鬟膩綠春山嫵幾回停轡破鸞

唇笑指花神不解語

楚腰吳鬢春風而吹波半掩白鬪扇纖纖玉手涯奈箏

宛轉歌喉珠一串

五陵公子簇金鞍采采芳華寄所歡白羊車裏人如璧

紛紛鄰果誰潘安

花鳥經年離恨譜玉笛聲殘落梅舞一曲關山萬里寒

居人不解相思苦

美里演易臺

玉門家難本無辜爲演先天一書圖誰謂有心終不悟

自年臣罪果當誅青蠅有譜心元白玄鳥無聲祚已孤

千古明夷眞亮節崇臺猶供舊商都

比干墓

新鄭城北殷比干墓孔子親往有表王封號爲比干墓

留硯堂詩選

卷一

八

牧野陳師殄亂時三仁評定痛無商書名有待春秋筆

誓死爭凌日月光殷土一抔王氣壯尼山四字墨痕香

銅盤古篆封元渥不解孤臣恨國亡

平溪雪

平溪遙渡水潺潺宛轉溪流六六灣人近郢中歌白雪

客從浪裏宿青山倚天遠樹曾相識帶雨頑雲不可刪

聞說桃源花事好舟橫小岸一追扳

雲南灘

黔號雲南坡楚號雲南灘我憶雲南苦從知行路難

鳴吁雲南灘驚濤拍岸散青天

沅州

到此江流直從知煙樹橫渡橋通小市對岸識孤城地

引雙眸潤波涵一掌平沿溪餘芷在不盡古今情

浦市月下聞唱

浦市歸何晚江鏡漾沅山憑舟子報水信畫船浮詩

思波千折鄉情月一鉤陽春忘夜永不盡楚人謳

荊州懷古

不信荊州借不遺將軍廟貌尚巍然靈旗夜捲龍山月

漏影朝橫鶴澤天百戰封疆無剩矢千秋俎豆有餘煙

白衣莫漫輕搖櫓花草吳宮亦可憐

留硯堂詩選

卷一

九

殘雪

不信寒威劇衝寒羅馬過雞鳴煙樹曉雁影成樓多舊

里尋冠蓋新村長葺葺鹿門聚妻子卧隱得高歌

南陽喜晴

安得戈從晚日揮趙衰可愛願無違雲迷遠樹如相失

雪壓紅塵不放飛臺榭富春藏霽色時過窮臘轉寒威

梅林笑指難消渴願飲清流覓釣磯

榮澤渡黃河

森森中原萬里秋崑崙風捲道長流林邊解轡停車馬

浪裏乘槎接斗牛賣酒洲從廣武渡枕橈山擬少文游

九天倒瀉高源出醉眇尊前一帶收

渡口爲盧武

都中春興

新門煙樹久離居詩思青青草色餘
載酒春游花放後投懷夢穩燕來初
香流篆鼎沉煙溼日轉湘簾映竹疏
我有鸞情消未得揮毫又擬答鄉書

徙倚花前索酒卮調仙風雅識吾師
花開九九消寒後酒熟三三祓禊時
隔院琴箏遙度曲閉門風雨獨評詩
挑釵更許澆愁飲醉倒窗前懶不支

白塔

劫灰千古無窮期蕭后妝臺廢幾時
雲起春山橫翠黛

留硯堂詩選

十一

霞連暮靄散胭脂椒房未冷金根杳
蘭若空存玉柱支偶一憑高舒望眼
游人蟻陣不勝窺

宮怨

碧玉生時自小家臨妝亦解關春華
誰知團扇秋風早又引空堦落月斜
夜靜花香憐宿蝶朝來日影妬寒鴉
芳心竟擬隨流水一葉飄江過別窪

珠簾朝捲望離宮風雨殘苔滿落紅
長樂花深偏黯淡昭陽樹隔已朦朧
亦知魚貫恩難竊生恐蛾眉畫不工
伏枕自憐蜀葵影年年抱曝倚庭東

邯鄲

一簾幽夢拂殘曦旅館人過憶昔時
但使呼尊陳魯酒不勞鼓瑟扶燕姬
枕將誰授逢仙覺路已重來塵步痕
歲歲風塵多浪跡夢魂煙水結幽期

清花驛曉發

未落金盆盡清光逐曉行嵐煙隨起伏
山色未分明不辨雲中樹疑窺海上城
過經高士宅慚愧馬蹄聲

桃源洞

焚書無餘撲村煙小有乾坤太古前
世閱強秦消五百路同弱水隔三千
桃花載紀山中歷樹影平分洞裏天
不向漁舟重借問見樵人恐卽神仙

周潛詩奇縱隱五百一朝裁神界自

留硯堂詩選

卷一

十一

秦至晉
五百年

黃平玉皇閣

尺五天中百級循九關虎豹石林蹲
松陰滿院孤雲宿

客語當庭野鶴馴偶傍名藍舒望眼
忽從香案想前身

木犀有信傳金粟記取秋闌解額人
閣下桂二株高丈餘僧云大比年花

放幾枝謂中秋試與解人

陽明書院

貴陽城內明王文成詩野時講學於此

碧簡牙籤舊主盟文壇終古號陽明
讀書雨後花當檻

載酒風前竹滿楹正學千年通鬼國
丹誠萬里護神京

黔山夜靜聞銅鼓山木鐸驚聲尚有聲

雞公背 永寧

黔山危且多俯瞰無平地山形比雞栖雄飛藐塵世翼
若垂天雲日月爲隱避有背負青天行人入天際搏距
不無神應來漢使祭

滇南勝境

萬斛鄉愁舉欲刪殷勤問酒逢重關溪當細草平分處
分草嶺家在停雲一望間天遣秋風寒夏日是日人携
黔馬入滇山當壚笑指誰家子醉着檳榔藉玉顏

昆明寓中夏至 壬辰

遠家無計勞征鞍半載風塵笑走丸伏暑不堪逢夏至

留硯堂詩選 卷一

三

熱腸莫擬上春官乍來小夢臨風穩半喜清愁入酒寬
隔岸漁翁聞甚我蘆花淺水釣魚竿

雨後渡昆明池

問渡昆明水扁舟帶雨停浪吹人面白山卧佛頭青
山蝶夢家園近邇城海國腥朝入村舍麥飯有餘馨

海門橋 歙江

晚日星雲裏星雲窮源到海門山形拔地起水氣拂天
昏戲艇憐沙鳥穿林過酒村康郎如可鮪隨意佐盤餐

大鼎山眺秀嵩湖 嵩明

萬頃湖光一鏡懸芙蓉芳草入晴川羊跡化空存石
天馬峯高欲飲泉馬峯甚彷彿金山涵日月參差
銀海弄雲煙停驂始信風塵惡欲假孤僧種白蓮

清鎮縣懷外舅楊公瑞庵 公舊爲縣令

疎雨殘煙落日橫丈人峯圯不勝情停車尙倚甘棠蔭
砥節真同白水盟螺髻山高蠻路險烏紗帽側女墻傾
城堞外環抱小城臨風有淚碑還溼剝蘚摩挲字不明
上刻紗帽城三字

重安江霧

早發重安道嵐光一色遲溼衣沉似雨繞樹淡非煙天
入蒼茫外人游混沌先米家圖畫好移向曉林邊

留硯堂詩選 卷一

三

辰州舟中晚興

停車何處問山靈瓮子雲生洞杳冥瓮子姊妹粧成雙
髮綠兒孫羅列幾峯青午窗帶雨炎猶酷辰酒澆愁醉
不醒獨有無情江上月照人離恨過前汀

姊妹山

髻髻宮亭大小姑判州記宮亭兩峯疊起立平湖春山
霧擁雙鬟綠秋水波澄一鏡孤底事竹殘猶染淚何緣
人去獨投珠難消此恨曾望俗丹鼎仙成有二妹

思鄉曲

楚鄧吳崑屬和難彈琴 盤碗滿長安南音卻愛思鄉曲

坐撥雙絃打棗竿

睡鄉何處覓清涼汗雨浮浮浣碧裳我欲飲冰消內熱

臨溪一漱馬金囊

馬金囊飲水回甘

渴想家山有熱腸廬全七椀最清涼倚邦火後蠻瓢雨

朱得松旗入鼎香

滇茶以普洱山倚邦紫雲兩處更佳

七夕寄家

卧閣煙深擁綠稠長時携手傲牽牛而今始重金錢卜

輸與銀河一渡秋

七夕至彰德府

有月老館書店

歲歲雙星恨別離無媒亦解識秋期誰知月老傳書處

留硯堂詩選卷一

兩

正值天孫織錦時計日已占烏雀喜臨風雅愧曾令詩

表弟孫子和相思兩地人如渴梧滿中庭竹滿陂

留硯堂詩選卷二

雲南叢書集部之二十三

石屏張漢月槎著

秋興

癸巳

秋色遙瞻春色連一床楓葉杏花天西山翠抹煙鬟出

南海波澄水鏡懸對月幾凭青玉案題詩已怯冷金箋

兼葭漸老霜華溼未許輕裘當酒錢

重九後一日聞捷寄上世父大人

舊園黃花晚節寒忽從桃李入春官慚非玉樹當庭立

竟託瓊林對酒看報捷東山驚折殿奏言北闕喜彈冠

文章醇愧供時眼淡染脂餘畫牡丹

留硯堂詩選卷二

三

寄弟含先

白晝看雲寄所思遇天旅雁獨歸遲茱萸細插登高處

桂子重添入宴時夜起雙龍窺劍影樓修五鳳造箋詩

喜心倒極翻成泣肯羨當年想舊菑

與同年孫孝廉乘九僧寺夜話

名陽昆明人

月影平分白水澄對床人倚一龕燈匣留古劍頻澆酒

囊有清文欲著冰啖芋幾年成幸相題蕉何處覓詩僧

籠紗莫負他時約玉盃呵毫興轉增

除夕

春風春雨滌塵顏兩歲平分此夕間白獸尊前新日月

碧雞夢裏舊關山仙舟竟許臨二島國語時能見一斑

初譯翹首明朝觀天子特書青史陟崇班

六載長安去復留年光如駛值卑邇家園兒女三更夢

澤國風煙萬里游次第新花成歲歷損栽舊草銷春秋

恆饒已是金門隱文史還期足校籌

新春

臥閣深寒曉雪天偶聞燕語入新年平生未了詩書債

歲月還牽筆墨緣幾得椒花人對酒嘗餘蔡火夜沉煙

由來識字心元苦輸與牙兵一戰眠

寄何孝廉石民

其傳石屏人

留硯堂詩選卷二

偶向江南託一枝梅花開後記春期輪君雅擅家園樂

不負巡簷索笑詩

國語喃喃習不工依稀識字學童蒙敲詩有興直難給

辜負雕蘭芍藥紅

寄劉元翼

名扶國石屏人尊人訓宸先生先大人受業師也

父書讀罷湖淵源兩世通家子及孫蔡火一編傳祿閣

桃花幾樹憶公門文期避俗聲同朗交許忘年道益尊

風雨蕭蕭懷舊友雞鳴中夜舞劉琨

寄家寅揆先生

端亮

坐別春風復幾回題詩遙憶舊詩華八開尊前綠酒看燈市

夢裏黃花醉菊簷屏時著有詩菊在杜甫詩情秋共老

林逋雅興鶴無猜何時細寫清琴曲載取鴟絃流水來

善琴詩

鄉夢

臥起晴窗失翠微西湖煙冷釣魚磯處清橋畔關難越

放得漁人旅夢歸

寄許仲權

坐中談笑覓風流縹緲雲山隔唱酬夢裏尋詩同載酒

西湖風雨采蓮舟

憶西湖

留硯堂詩選卷二

盟鷗已笑食言肥憫婉林衡計總非寄語西湖舊煙水

秋風一瞬雁南歸

贈孫秉九

但染霜毫落錦箋文章十丈結雲煙芳名竟出孫山後

壯志還爭祖述前狗監亦知新賦體雞林尤寶舊詩篇

五雲多處同攜手橫批誰言讓予先

寄弟含先

家住西湖一畝陰萬松聲裏白雲岑山無展齒經存醉

裏有蛛絲竟在琴曳履星辰千載會對床風雨十年心

殷勤惟問窗前竹幾聲霜雪更幾尋